

左國易一家言

上

012  
1922  
1



門口仁12  
號 1922  
卷 1-3

刻左國易一家言序

左國之於易也。其文簡約。其義精妙。實為萬世卜筮之模範矣。然自周以降。無一有得其意而能解其義者。於是乎神易之道。漸陵夷。卜筮之法。空湮滅者。

左國易一家言

含章堂藏

序之一  
歲二千有餘年。當我

皇國文運之盛也。有吾中州  
真勢先生者出。而獨能明  
其意。精其義。發揮其占  
法。開悟其蘊奧。而平素講  
說。以授弟子。余雖不敏也。  
遊於先生之門。有年于茲。

而與有聞其說。是以忘其  
固陋。采而輯之。間以竊  
附已意。以便初學焉。大傳  
曰。書不盡言。言不盡意。故  
至如是書之精義。卜筮之  
蘊奧。則非口授面命。不能  
以精其義。示其蘊矣。若

是編。但舉其一隅而已。

文化丁丑春二月穀日

龍山谷川順識



*[Faint bleed-through text from the reverse side of the page]*

左國易一家言目錄

卷之上

周史占陳敬仲興於齊

晉辛廖占畢萬子孫蕃昌

魯卜楚邱占成季盛於國

卷之中

秦卜徒父占伐晉之吉

晉史蘓占嫁伯姬於秦

晉卜偃占納王之吉

鄭伯廖議曼滿將亡

晉知莊子論先穀將敗

晉史占鄆陵之戰

魯穆姜辨史之筮占

齊陳文子占崔杼婚姻之筮

鄭游吉論楚子將死

秦醫和論晉侯之疾

五卷之下家言目錄

魯卜楚邱占穆豹終身

衛孔成子筮立君

魯子服惠伯議南蒯筮

晉陽虎筮救鄭

國語晉董因占重耳入國之吉

周語下其賤也

晉周單襄公斷晉史之筮

晉語四 吳公備晉史之

周晉重耳親筮有國

晉董因占重耳入國之吉

晉欒黶筮

晉欒黶筮

晉欒黶筮

晉欒黶筮

左國易一家言目錄 終

明治四十三年 九月十五日  
本校出版部 氏寄



左國易一家言卷之上

由其象以占卦來之 播磨 谷川順 著

大傳曰。易有聖人之道四焉。以言者尚其辭。以

動者尚其變。以制器者尚其象。以卜筮者尚其

占。占斷也。斷得卦之。其以言者尚其辭者。謂引

彖爻之辭。以設教也。猶大傳九卦及十六卦引

卦名與爻辭。以成教者是也。其以制器者尚其

象者謂觀卦象以制器也。猶大傳設十二卦以說制器者是也。其以動者尚其變者謂不待筮唯推窮理以設卦由其爻以知失得也。猶宣公六年傳鄭王子伯廖以豐之離察公子曼將亡。同十二年傳晉知莊子以師之臨謂彘子敗軍者是也。其以卜筮者尚其占者謂筮而得卦由其象以占將來之吉凶也。猶此篇所載之卜筮者是也。由是觀之。易經存象辭之二而闕變

占之二也。尚幸左氏有變占之二傳以補聖學之闕典與易經並行而其道始備矣。於是乎左氏之功可謂偉也矣。原夫雖易有四道之分焉。然聖人之所尊敬者神明也。易道之所貴重者卜筮也。何者以卜筮則通神明之德探賾索隱鉤深致遠以斷天下之疑以成天下之務也。夫天下之事物無窮而其變動亦無盡也。是故卜筮之為道也變動而不居是以於其卦象亦變

化而無窮也。吁其為卜筮之道也。實難矣哉。苟非洞達易道之淵源。與神明酬酢者。孰能與於此矣。雖然。筮有窮理。卦有象則。故此篇所載之者。亦有窮理有象則矣。今據此二者以作之解。猶且索其意。探其蘊。以為之或問。名曰左國易一家言焉。學者由是而學焉。則庶乎其不差矣。

周史占陳敬仲興於齊

莊公二十二年傳。陳厲公生敬仲。其少也。周史有以

周易見陳侯者。陳侯使筮之。

敬仲避太子御寇之難。奔齊。齊侯使之為卿。其子

孫田氏竟代齊有國也。傳追往時而記敬仲少時。

周史占筮之詞。以證其占驗也。○周禮曰。大卜掌

三易。一曰連山。二曰歸藏。三曰周易。今周大史掌

周易者。見陳侯。陳侯使之筮。敬仲生涯之吉凶也。

遇觀  之否  曰是謂觀國之光。利用賓于王。

觀。觀示也。以全體言。二陽在上。四陰在下。是有陽



剛居尊為衆陰所瞻仰之象故名觀又有人君修德行政以臨觀衆民衆民亦仰觀其德之義故名觀又以兩體言巽為風坤為地風行地上徧觸萬物觀示之義也故名觀否否塞也為卦天上地下夫天氣上升地氣下降則陰陽不交陰陽不交則不成雨不成雨則百物不生故名否又乾君也坤臣也蓋君在上逸豫臣在下驕慢則其志不通志不通則政綱亂國家否塞故名否

卦名之義舉梗槩以示初學以

下傲之其詳見于周易正解 今觀六四變為否故引其辭以謂

敬仲之子孫可為諸侯之徵也按易經由其象之正義以成卦名此篇主占者之意味以轉用卦名故其義各異也於其爻辭亦然熟讀通篇可以見矣○道有二焉常道也權道也聖人作彖爻以教常道設卜筮以誨權道矣夫觀消長之卦與大壯相反故可名大衰然嫌於世教是以聖人名之以觀其觀君子在上施仁德而觀示衆民衆民亦仰

觀其君子而悅服其德化之義也。且其六四爻漸  
剝陽以逼於君位。故在君臣則諱於其大義。是以  
聖人遷之賓此爻。以謂利用賓于王。可見彖爻唯  
以其常道垂教於不朽也。大傳曰。聖人之情見乎  
辭。又曰。吉凶以情遷。其旨深哉。今周史以觀之。否  
假其辭。以為占。徵直非以此辭為占也。故其辭契  
其事者。取以為占。不當其事者。不取。熟讀通篇。可  
以見矣。原夫卜筮之為法也。必先詳其窮理。審其

事實。而後照其事實於得卦。觀其卦象。以斷吉凶  
也。大傳曰。著德圓而神。卦德方以知。夫微妙者神  
也。顯著者象也。神具於著。以靈象見於卦。以著故  
筮者由其窮理。以觀其象。由其象以察其義。引而  
伸之。觸類而長之。天下之能事畢矣。朱子此書見  
有取彖爻辭。以為占。徵者直以彖爻為卜筮之辭。  
此不知卜筮之道者也。大傳曰。易象也是故彖爻  
觀其象。繫之辭。以成教於君子。卜筮亦由其象。以

示吉凶於衆人且夫卜筮之爲道變動而不居故  
 取其象變化而無窮也天下之事物豈窮盡彖爻  
 之有聖人取其象之一端以設教於君子故偶契  
 其事者假以爲微而已大傳曰君子居則觀其象  
 而玩其辭動則觀其變而玩其占又曰占事知來  
 無一有謂以彖爻爲卜筮者熟讀大傳可以見矣  
 朱子欲以彖爻爲卜筮以常道混權道者誤矣後  
 世由其說以失者多故辨及焉

此其代陳有國乎不在此其在異國非此其身在其  
 子孫光遠而自他有耀者也

此指敬仲是謂陳國衰亡則敬仲子孫將爲諸侯  
 有國土也今以生卦法觀之本卦觀爲陳後爲剝  
 爲坤是陳衰亡之象也之卦否自本卦一爻復來  
 爲遯自遯爲姤爲乾其勢漸次隆盛而遂爲諸侯  
 有國土之象也乾爲諸侯此消長準蓋敬仲不在  
 陳必出奔異國若在異國則無敬仲生涯爲諸侯

有國土之窮理也。故必非敬仲其身而在其子孫也。然其子孫所以為諸侯有國土者必在敬仲令德光耀。及其子孫也。自猶於他指敬仲子孫也。

○觀為陳國否為敬仲者以其本卦為本為親之卦為末為子也。

坤土也。巽風也。乾天也。風為天於土上山也。有山之材而照之以天光於是乎居土上。

此舉八象以占也。坤獨不曰地而謂土者蓋以有

敬仲子孫當有國土之意也。風為天此巽為乾則觀之否也。其巽風於坤土上則觀也。觀全體之艮艮為山故曰於土上山也。材謂其德質也。照之以天光謂得天命有國土也。之指敬仲也。言敬仲令德美材如大山且自天祐之故及其子孫當有國土也。此前章光耀字與此照字相應皆謂得天命也。居土上謂為諸侯有國土也。其敬仲之德如大山之象。得天之時。照之以天光。得地之理。居土上。得三才。

之全而其子孫遂為諸侯之象也。

故曰觀國之光。

此引爻辭以徵其言也。已下有利用賓于四字。蓋自下文重複今刪正焉。

王庭實旅百奉之以玉帛。天地之美具焉。故曰利用賓于王。

王庭猶朝廷。夫揚于王庭是也。蓋觀全卦艮全卦艮為大艮。大艮為宮闕。此王庭之象。實實滿也。旅

百言眾多而物備也。坤之象。乾為金玉。坤為布帛。夫觀否排列而見之。則眾多之玉帛滿宮闕之象。此諸侯奉玉帛以朝王庭。天地之美具之義。故曰利用賓于王。此引爻辭以徵之也。猶有觀焉。故曰其在後乎。

觀自我觀他之義也。此非敬仲直為諸侯之謂。猶有觀其子孫之美盛焉。故曰其在後乎。此應前文。非此其身在其子孫之句也。蓋省畧法也。按此條。

占者意味含蓄而文妙形容其意學者宜熟讀玩味焉。

風行而著於土故曰其在異國乎。

此文言簡而能盡其意其以觀卦象則可謂風行地上大象風行地上觀是也蓋風行地上取諸人則為出奔之象是雖有敬伸出奔之象然出奔而後不可知行齊也故曰風行著於土也此使風行二字示敬伸出奔以著於土三字知敬伸在齊國

而得爵祿及其子孫有國土矣此條獨舉觀卦以占出奔而在異國也於生卦法觀之以坤卦數簡齊齊排定使巽一卦橫行於其坤卦上以巽當敬仲是無方所而出奔之象然不離其坤地故曰著於土其出奔著於土則不在陳國必在異國也○自坤地至於此皆徵首章之言下文復更其端丁寧反復以終其意矣  
若在異國必姜姓姜大嶽之後也。

此承上文以盡其精微也。敬仲若在異國而得封土必齊國也。夫齊姜姓古昔太公望之封國其先為堯四嶽故曰大嶽之後也。太嶽大艮之象也。山嶽則配天地。

觀為山嶽否天地之象。今觀與否相並是大艮六畫與否六爻相配也。

物莫能兩大。陳衰此其昌乎。仲在齊而繁昌陳必衰是則生卦法也。辨已見于

前章謂物莫能兩大者蓋以定理言其不顯說為生卦是占法也。此應前文代陳有國乎至敬仲子孫此其益昌乎。

及陳之初亡也。陳桓子始大於齊。

此備言其終始以紀卜筮之効驗也。桓子敬仲五世孫陳無宇。

其後亡也。

哀十七年楚復滅陳。

成子得政

成子陳常也。敬仲八世孫。及陳常弒君篡國。以執其政也。而不謂得國。謂得政者。蓋諱其篡逆之罪也。

或問吾子以易為聖學之蘊奧。以卜筮為道義之本原。然學者間有疑易。議卜筮。以為非聖作者。何也。曰。昔者包犧神聖之作。易也。明天地之道。通神明之德。彰往察來。顯微闡幽。索隱鈎深。致遠以成。

天地之文。以成天下之務。歷世聖人。以此無不成教。由此無不治。天下文。王為之。彖辭。周公為之。爻辭。孔子為之。十翼。而易之道。始備矣。猶且孔子好易。而韋編三絕。曰。加我數年。以學易。於易彬彬矣。又曰。文王既沒。文不在茲乎。此非聖學之蘊奧。何乎。且夫聖人繫彖爻。以教常道於後世。故曰。居則觀其象。玩其辭。是也。設卜筮。以示權道於君子。故曰。動則觀其變。玩其占。是也。竊惟古昔聖人之治。



天下也。國家有大故，必由卜筮以斷其疑，以明其吉凶。使吉就之，使凶避之，故曰：聖人成能，人謀鬼謀，百姓與能，是乃奉天命，行天意者也。此非道義之本原，何乎？夫常道者，聖人之前言，往行布有載籍焉。至其權道也，非卜筮則不能以斷天下之疑。以成天下之務矣。君子其舍之，又誰適從乎？是以聖人設卜官，以重其道，有故哉。歷觀尚書、周禮，可見矣。與後世占兒者流，姦黠誇背，徒假卜筮惑

世誣人者，豈啻天壤已哉。口耳之淺學，以彼占兒者流之俗，多比諸四聖所傳之神，多不知卜筮之所以為卜筮，却以疑此編之卜筮，遂失所以聖人設卜筮而垂教於不朽者，可勝嘆哉。世之蕩誕不軌者，欲舉其瑣務薄故，使之筮以試其當否，占兒亦頑愚無賴，輩欲思慮百端，以得其偶中，迭至輕其道，以誣神矣。夫筮卦神物也，卜筮重事也，何可筮彼瑣務薄故，而瀆其神明乎？古曰：誣神者殃及

三世豈得無不畏乎抑至誠以筮至明以占遂知  
 來物以神明其德者多道之本旨而其道已湮滅  
 者是無他以不講習其學不研究其道也今也徒  
 以文辭詞藻為己務遂不能酬酢神明以成道德  
 却以疑卜筮夫如是則鴟梟而笑鳳凰夏虫而訝  
 冰雪之類乎豈足與議乎豈足與議乎  
 或問吾子以窮理為卜筮之要且註中間言之者  
 何也曰書曰官占先蔽志昆命元龜其蔽志者乃

謂窮理也何則以非窮理雖為卜筮然不可為其  
 占也夫窮理者必先謂詳其事物察其情狀而後  
 筮之以辨其失得也請於敬仲之占以畧陳其義  
 也今夫周史筮敬仲生涯之吉凶而明其子孫八  
 世之後者此以詳窮理以照其得卦知其著情也  
 蓋敬仲厲公之庶子非世子故無可有陳國之理  
 其陳小國介齊楚大國之間加旃周室漸衰微政  
 綱已壞亂於是乎諸侯力爭丈夫僭上公子來奔

上下交爭利而國危之時陳之小國豈得無不衰  
 敗乎且夫厲公不德之君君不德則亂臣賊子興  
 庶子之敬仲亦豈得無不困苦乎今由得卦觀之  
 觀大衰之卦而為出奔之象故知陳衰而後敬仲  
 亡命也意羈旅之敬仲不可行小國必往大國也  
 夫雖陳介齊楚然楚貪暴而近乎夷狄齊霸者而  
 為有德之君又觀為大嶽齊為大嶽之後故知敬  
 仲不奔於楚而往於齊國也雖敬仲少年然陳公

庶子其才幹識量周史嘗知之夫在戰爭之時其  
 為才幹偉器者猶且君臣相親而寵遇必重焉今  
 以觀之否觀之觀屬陳而衰敗否屬敬仲以蕃昌  
 何則以有否自觀一爻復來其子孫為諸侯之象  
 也蓋雖敬仲在齊而蕃昌然無敬仲生涯為諸侯  
 之定理故曰不在其身在其子孫也猶有觀焉者  
 自敬仲猶有觀其子孫之蕃昌之謂也此雖占者  
 之意味深長而其占不可及然皆由窮理言之已

而其目有六焉。曰事也。曰身也。曰位也。曰地也。曰時也。曰勢也。事謂其筮之事物也。猶筮敬仲生涯之故是也。身謂知其人賢愚素行或僧俗男女也。猶察敬仲人物如何是也。位謂自天子至庶人之位也。猶知敬仲為陳公庶子是也。地謂詳國之強弱風俗之異也。猶察陳小國介齊楚是也。時謂知天時人事及其人或壯或老也。猶審周室衰王綱壞諸侯奪爭公子出奔之時是也。勢謂明其人之

盛衰也。猶知陳小國介大國厲公不德而不可有其國是以敬仲不可安其身勢是也。皆是以窮理為卜筮之占要。雖天下之事物無窮而其變動亦無盡。然不能出乎此六者。莫不各有本然一定之則。非可以私意苟且而占也。是故於其卜筮之道必先詳其窮理。察其物義。照諸得卦以通神明之德。以明將來之吉凶。使其人就吉避凶以顯其道。德以遷其天命。以奉其神明之教。誨吁卜筮之為

道其旨深矣哉

曰卜筮由窮理之說已得聞命敢問謂筮有情者

何也曰筮情亦卜筮之緊要謂筮之所告之情也

此以其不知筮情則不能斷其吉凶也筮情有十

有五焉曰表也裏也顯也隱也答也告也勸也戒

也精也要也取也捨也往也今也來也有別說文長故不贅

此今以觀之否言之觀四陰二陽之卦而陰削陽

是謂大衰之卦否亦否塞而不通之象此豈可

謂吉乎然知有筮情之在却以為大吉何則觀有

出奔之象今變之否此巽為乾古易活法巽為巽

從此臣之象乾為完全為諸侯乾為諸侯之說見于後且本

之皆內卦之坤土不變坤為國土此出奔而後為

臣於諸侯遂得國土之象也何以知陳衰而後敬

仲子孫蕃昌乎其本卦為本為父之卦為末為子

今觀消長之卦而陰削陽之象遂為剝為坤此大

衰之義也否九四一陽已來遂為遯為姤為乾漸

次蕃昌以得國土之象也。由此觀之，欲異從之，臣  
 為乾之君者，非顯著於箸情乎？然引而不發，隱而  
 不顯，特以觀六四爻辭，微之者，此以卜筮之機密  
 而不可顯說也。且夫所以敬仲一世，知不可為諸  
 侯者，此推其定理以察箸情也。蓋於其箸情也，告  
 敬仲出奔而為臣於齊，遂得封土者，表也。周史猶  
 察陳亡而後敬仲子孫為諸侯者，隱也。是故占者  
 須明其窮理，察其箸情，幹旋其卦象，以應其事物。

以詳其將來也。此之謂通神明之德矣。嘗記大坂  
 有一蕩子，性嗜遊於花柳，費財居多，不可以債故  
 亡命焉。其家遍索之，未知其所往。於是乎使先生  
 筮之。先生筮之，其卦遇觀。曰：觀此風行地上之象  
 又觀為大艮，故於方位為丑寅。自此地計較之，是  
 出奔於江戸乎？夫江戸四方輻湊之地，衆之所止  
 皆是。大艮之象也。然某生放蕩庸愚之質，意無所  
 容於彼地，故不遠必歸。果如其言，三旬而歸來焉。

三國易一家言 卷之四 含章堂藏

有一寒醫其妻一朝奔去而不知其所隱竄於是乎醫親筮之其卦得觀以示諸先生先生曰室家之故國何處醫曰美濃國也曰其觀為大艮艮為丑寅夫於美濃國自此當丑寅故知在其國也且夫觀風行乎地上也蓋風之往也當物而後遠故其妻遂知其歸來也此不及馳驛使追之唯以尺素召之必歸果如其言矣今夫周史之筮與此二者其卦同而其占各異者是無他能察窮理與筮

情而有得其的中而已是揭關係於占事緊要者以示初學餘見于酬酢神明圖說故不贅于此

晉辛廖占畢萬子孫之蕃昌

閔公元年傳初畢萬筮仕於晉遇屯



之比



辛廖占之曰吉屯固比入吉孰大焉

畢萬畢公高之後仕晉為大夫晉侯賜萬魏其後分晉有國遂為諸侯其仕晉之初畢萬親筮而辛廖占之也○屯難也為卦坎為雲震為雷夫雲雷

之興天地之屯難也。今震雷在下，坎雲在上，而未成雨，故名屯。又坎為險，震為動，是動乎險中，未能出，故名屯。比者親比為卦，上坎下坤，是水在地上之象也。蓋水在地上，毫無所隔，而能相親，比和合，故名比。又以全體言，則五陰皆由九五之一陽，是君撫萬邦，眾民仰其君之象，故名比。是以此篇屯為艱難困苦之義，夫人艱難困苦，則心身堅固也。比為親輔比和之義，夫人親輔比和，則其志得入。

於人心，此所以屯固比入也。蓋仕於君者，其志堅固，而能入於其君心，則吉孰大焉？所以其必蕃昌也。此大體總括之辭也。已下舉卦象以詳說其義也。

震為土

此舉卦象以言其義也。按不謂震為坤，謂震為土。一舉卦名，一舉卦象者，謂有萬之子孫得國土為諸侯之義也。其以震為諸侯，坤為國土也。此震為



坤長子得土之互文省畧法也

車從馬

震一陽載二陰而進行車之象國語曰震車也是也坤為馬者坤彖謂利牝馬之貞者是也蓋本卦為泄氣為老衰之卦為受氣為強壯國語曰母老而子彊是也是以此編以本卦從之卦為占法猶姪其從姑夫從風之類是也已上二句以古易活活言之

足居之

震為足之指上文車馬此謂乘車馬之象也

兄長之

震為兄為長蓋天子萬民之父母公侯眾民之兄長之指眾民也已上二句以震一卦言之

母覆之

母坤之象覆坤土覆育萬物之象之指眾民此謂萬之子孫有覆育眾民之母德遂為諸侯之義也

○或問天覆地載然今以地德謂覆者何也曰此以地德撫育之大言之也夫於育衆民安國家之義育字未的當此母德覆育國家之義而不如覆字之緊切也可知與天覆地載其義自別也

衆歸之

衆坤爲衆多之象歸萬物歸於土之象此謂萬之子孫爲諸侯衆民歸之也已上二句以坤一卦言之

合而能固安而能殺公侯之卦也

合安皆比之象夫比一陽在君位衆民從順之義蓋天下一君而衆民從順之者此所以合民安衆也固殺皆屯之象人屯難則其志固世屯難則利建侯伐姦兇夫執政權掌生殺者公侯之任此所以有合而能固安而能殺之義爲公侯之卦也○按此章自之卦反本卦言之者蓋以辭順而成文也若以作固而能合殺而能安則不成文辭也讀

者思諸

公侯之子孫必復其始

萬乃畢公高之苗裔前既為侯今萬親筮得此卦

乃復可知萬子孫遂為公侯也○按此段文章巧

妙而能形容占者之意者也蓋謂萬之後直可為

公侯則今諱於萬所事之晉君也故謂公侯之卦

也公侯之子孫必復其始悉託得卦採據其象義

以為占辭也

或問萬筮仕於晉得此卦以為吉者前已聞之其  
知萬子孫為諸侯者何也曰愚於前篇敬仲或問  
中已陳其梗槩識者推類伸之則亦察此占之意  
乎今推窮理言之萬材德品行大有過於人者夫  
戰鬥世大有為之時且晉大國大有為之國猶於  
得卦公侯之卦此四者具焉今於萬身有其志堅  
固而能竭其忠比和其君之義顧此能應萬人物  
乎夫辛廖晉大夫與萬為相識是以辛廖知萬大

有為之人物審此窮理而察得卦之箸情也蓋於其箸情示仕官之吉者表也問萬不家食之吉凶而示其子孫為諸侯者告也原夫無萬一世直可為諸侯之定理故察萬德行遠及其子孫遂可為諸侯也是故學者有以其窮理照諸得卦斡旋其象轉化其義焉夫不達象則占不明了不達占則象不活動嗚呼不達占何知天下之來物不明象何應天下之事物矣先儒不通象不達占妄註此

書為虛辭濫說以惑來學可勝歎哉

魯卜楚邱占成季盛於魯

閔公二年傳成季之將生也桓公使卜楚邱之父卜之曰男也其名曰友在公之右間干兩社為公室輔季氏亡則魯不昌

成季季友桓公子季氏之祖卜楚邱以卜並筮占季友威權與父同之義也此兆以例推之為木兆並土兆之象木兆為男土兆為公室且夫朋友並

輔之義故其名曰友木兆李氏亡則所相並之公  
 室將衰之兆乎然龜卜之書不傳故其詳不可考  
 也六書精蘊曰卜灼龜問吉凶也象圻兆縱橫之  
 形說文曰卜灼龜也象灼龜之形夫龜卜者包犧  
 氏之所作而所以斷天下之疑定天下之吉凶也  
 太禹謨曰帝曰禹官占惟先蔽志昆命元龜朕志  
 先定詢謀皆同鬼神其依龜筮協從是舜命于禹  
 之言可以見焉按龜卜以五行之生尅斷吉凶也

蓋五行之妙用莫大乎水火唯水不可灼故聖人  
 代之以龜夫龜之為物也屬北方其甲圓象天一  
 生水之數首尾四足象大陰之成數其色黑象水  
 之色天地之間可代水者惟龜為然以火灼之以  
 觀龜甲之圻兆此可知龜卜以五行生尅為占也  
 哀九年晉趙鞅卜救鄭遇水適火史墨曰盈水名  
 也子水位也名位歆不可干也炎帝為火師姜姓  
 其後也水勝火伐姜則可以見也然而及周室

已衰亂臣賊子爭國棄土之時聖學漸滅裂龜卜  
 既湮沒然猶幸龜卜之支流有傳於朝鮮逮後漢  
 之末尚存彼國當我  
 神后征伐三韓之時雷命者得其卜法於彼國以  
 傳於皇國雷命在對馬下縣村阿連村以授於國  
 人是故其法多在對馬古昔稱龜卜家者今猶存  
 云然周禮所謂其經兆之體百二十其頌千有二  
 有者皆湮滅而不傳也抑易之為書也以天地之

道悉備故文周作之彖爻夫子作之大傳以垂教  
 於不朽是以得傳於後世顧以龜卜卜官掌之不  
 與世教不歷夫子之手故不得傳於後世於是乎  
 龜卜法不得見其聖作之全豈可不惜乎○又按  
 卜則五行易象陰陽卜以生剋為兆易以卦象為  
 占卜以數為主易以象為要卜奇陽之道易偶陰  
 之道卜縱天地經之道易橫乾坤律之道此龜卜  
 與易為表裏陰陽所以經緯天地行鬼神也而其

卜已湮沒矣

又筮之遇大有  之乾  曰同復于父敬如君

所

大有本自乾來今為大有又之乾之義也 大有之義見于

下蓋大有即今乾將來今以之卦乾故知大有既

往乾也 有生卦法 乾為君父故既往乾為桓公大有

為成季何則九五變為陰此示陰為人臣之義其

餘爻不變而五爻變者此示其貴與君同之義之

卦為乾主成季將來從此後示國人敬之復于父

之義也故曰同復于父敬如君所唯是以六五之

動占之也所居處也謂如君似犯君位故曰君所

君所威權與君同之謂也○按筮前卜之以審其

事故於筮唯舉其要而已

及生有文在其手曰友遂以命之

此舉龜卜之占驗以結上文也





